

Services aux communautés autochtones

Masinahikanicic – Pitci pison pisimw 2025

Élections Québec otamirotaw wewerita kitci isparinik e okimakaniwonik kaie kwisk kitci icinakonik e iteritakok kepek askik. Ni nanakatcitanan kaskina kitci ki kiskeritakik ka okimaketcik iskwewok kaie iriniwok e acterik kitci okimaketcik. Wewerita kitci nisistakok kaie kitci miroparitatcik, picicikw kaie ni wetanan kitci wetak.

Ki tci ki wewerita niskamotcik ka okimaketcik nihinaniwok

Niki pe mameckotcitanan kitci ki wetanik e pe nta okimaketcik ka torokaterik tetapiwakaniw ka apatcitatic matci kaie ka maskisiticik.

- E okimakaniwok ka ici kiskinohamatisotcik Kiskinihamakanak kictapataniw matci kitci ki wetanik e okimaketcik, osam ko kirika warowik e taciketcik taci e ici okimakaniwonik.
- Matci pa aicawok ka mitatic okimakewiniw kicerini kiwamik, taci e tacikeritci , kitci ki okimaketcik ka kiceatisiticik.
- Warowik ka icatic matci kaie pemacic aka e taciketcik otaticewiniwak matci kata ki ntoweritamokw kitci icitacahamowakaniwitcik masinahikaniwikamikok.

Wetci totcikatek kitci wetanik kaie mitcet kitci ki okimaketcik neki otci ka arimiketcik wec e icaticik.

Pamitcic ka kitci okimakaniwok ki wapaticatew kekwan k eki totcikatek kitci ki miro okimaketcik nehirowisiwok otaticewiniwak. Ni kiskeritenan, ka okimaketcik e arimanik nehirowisi otenak ka taciketcik kitci ki masinahotositicik matci kaie kitci ki nisitowinakaniwitcik.

2023 ka tato pisonikak, Élections Québec ki arew ke otamirotaritci nehirowisiwa otci. Kitci ki kinowapitakik kekwarir ke ki totakik kitci ki minoparinik, kitci ki wetanik nehirowisiwok Kepek ka otciticik kitci wewerita isparinik e okimaketcik.

Ke totcikatek nehirowisiwok otci

11 tatino nehirowisi aski kepek askik Pa peikw takoniw otatisokanowawa kaie e icinakonik o pimatisiwiniwawa. Arimatc kata kiskeritcikateriw otatisikawiniwawa kaie kitci nisistcikaterik kitci ki miro witcihakaniwitcik nehirowisi otenak ka taciketcik. Ki kiskeritenano epitc arimanik warowik ka taciketcik nehirowisiwok pitoc e icinakok mamik ka taciketcik. Kitcik i kiskerimakokw, arimatc kika ntowamanokw kaie kitci ntotoowanowokw.

Micta mitceniw ka nikackakik kaie mitceniw. Nictam e ki totcikatek, kitci ki mackowak e wi totatcikatek warowik ka taciketcik nehirowisiwok Ni natwowi aitotenan ka okimaketcik kitci kicteritcikaterik kotc e icinakositcik

Nictino ka wi otamirotaiak

1. Kitci wectaiak tcirowemakatawin

Kitci tapwerimiketcik nehirowisiwok

Ni ntoweritenan kitci miro kiskerimitoiak kaie kitci sokak e kiskerimitisoiak nehirowisiwok warowik ka taciketcik Ni ntoweritenan kitci miro kicterimitisoiak.

- Kecpin iteritakoke, matci nika ki nikickotatonan. Matci nika ki nta nickickowanank, neki ke ici ntoweritakik

Kitci akacehaiak nehirowisi otenak ka ototetcik

Ni ntoweritenan kitci mackowak e natcikapowictokitcik ka taciketcik nehirowisi otenak kaie ka otamirotcik okimakewinik. Ekote, ke ki ici miro witcihiemikak tan kotc e ici matisitcik nehirowisi otenak.

- Ni pasoweritenan awik kitci akacehiketcik kaskina nehirowisi otenak.

2. Kitci nahipitamak e ici atoskectakeiak

E kinowapitamak tan e ici matisitcik nehirowisiwok

Ni notweritenan wewerita kitci naskamoiak tan e ici ntoweritakik nehirowisiwokkitci ki kicteritcikatek irakonikewin *Loi électorale*

- Wewerita nika nanakatcitanan ke pitc masinasowakwen masinahikanik kitci ki okimaketcik okimakaniwoke.

Kitci miro kiskeritcikatek tipatcimowina Nehirowisiwok otci.

Ni ka wectanan nit itotiskewinanankitci ki aiamihakicik awocamec wewerita ka okimaketcik iskwewok neki ka okimaketcik nehirowisiwok.

- Ni ici ntoweritenan kaskina ka okimaketcik kaie kaskina okimakeriniwokw kitci tatakik tipatcimowiniw kitci acterik e okimaketc.

Awocamec kitci kiskeritamowakaniwitcik e totcikataterik e okimakaniwonik ka ocki pimatisitcik

Ni wi wewerita tipatcimoctwananak nehirowisiskak e totcikataterik okimakewinak. Kirowe ma neki ka pe ocki pimatisitcik.

- Nika wectanan itotiskewina kitci kiskinohamokitcik tan e icinakonik otaticikewiniwak, kecpin ntoweritamowakwen.

3. Erikam kitci kiskeritamokw

Kitci nosinetaikw ka wi nta kiskeritamak witcihitowin okimakewinik nehirowisiskak

Erikam ni wi nta kiskeritenan witcihitowin okimakewinik nehirowisiskak kitci ki mi wewerita wectaiak.

- Ni ka apatcitanan ka ki ici nta natowi kiskeritamak kitci nisistamak nehirowisiskak e ici matisinaniwok kitci ki okimakaniwok.

Kitci kiskinoweritamihaiak mammo ka witci otamiromikowiak nehirowisi matisiwiniw

Ni ntoweritenan ka otamirotcik Élections Québec kitci miro kiskeritakik, miro nisistakik nehirowisi matisiwiniw.

- Nihe ka wi totamak kitci kiskinohamakaniwok matci kaie ka tipatcimoctatonaniwok.

Kitci aiamihitonaniwok kirika neki Kanata ka mitatcik okimakewiniw

Ni ntoweritenan kitci nosinetaiak e aiamihitowiak kirika neki ka otamirotatcik okimakewiniw e irikokoskamikak Kanata askik tan e ici otamirotcik nehirowisi otenak otci.

- Nika tca tipapitenan kekwan mia ke nahinakok ka totakik kotakik ka otamirotatcik okimakewiniw pacitc Kepek.

Ohwe ke orasinahikatek masinahikan nespitc kata mirocin. Tataw e matce takoskaniwok kaie tawaw e okimakaniwok mirocin kitci iciwotakaniwok nac kitci nikickamokw ka wi ici otamirotaiak. Kictapatan nehirowisi otenowa kitci okimaketcik, osam tapickotc e otamiroikw kitci ki naskamamomakanik ka ici tapweritakik. Enko ohwe masinahikan ka matce otimironaniwok kitci meckotciparik kitci kekocic kinec ke apatak.